

九〇年查

田參

K 827.6

F G Z

765

4

馮副總統事略

旧参  
K 827-8  
F C 7



副 總 統 最 近 攝 影

# 馮副總統事略

石小川口述  
陳延齡筆記

## 緒論

吾人盱衡當世。博觀羣雄。見有出於東方而與西方之華盛頓後先相耀者一人。其人伊誰。則今副總統河間馮公是已。聞之日人福山義春氏之論華盛頓也。曰彼之言語舉動。所以能奇偉磊落者。蓋從嚴正貞肅來也。夫華盛頓以赤手而造一合衆大國。豐功駿業。震耀寰球。乃後人推其立身之本。則必以嚴正貞肅爲歸。得非以英雄之表著於世者。其功業猶後而德性爲先歟。馮公之言論行事。奇偉磊落。與華盛頓殆無以異。其宅心之公。允誠篤。則亦猶夫華盛頓之嚴正貞肅也。是故遠之則體國經野。近之則修己接物。蓋無事無時而不有。公允誠篤之懷。積中發外。然則公之盛德大業。將由一隅之地而普及於全國。而震動乎全球。其所成就。豈復在華盛頓下哉。聞者疑吾言乎。則請略述公之懷抱及其歷史。質之當世達識之士。或有取焉。

## 公之家世及其修養時代

公名國璋。字華甫。直隸河間縣人也。馮氏爲河間大姓。家世儒者。公兄弟四人。居季。爲人外。

愨。內。朗。束。髮。受。書。卽。慨。然。想。慕。古。之。豪。傑。若。孔。明。之。自。比。管。樂。也。屬。直。隸。總。督。李。文。忠。公。創。辦。武。備。學。堂。於。天。津。乃。徒。步。往。從。發。憤。攻。苦。簡。練。揣摩。學。藝。常。冠。其。曹。餘。力。學。文。復。中。程。式。假。歸。應。童。子。試。遂。舉。茂。才。返。校。卒。所。業。隻。身。出。關。周。歷。旅。順。大。連。寧。古。塔。一。帶。考。覽。形。要。撰。爲。遊。記。時。時。與。兵。事。相。發。明。李。經。芳。出。使。日。本。檄。公。隨。行。道。朝。鮮。游。日。本。覬。屬。國。之。風。土。考。友。邦。之。軍。容。歸。而。有。所。建。白。大。府。益。器。重。之。泊。中。東。之。戰。日。軍。進。逼。滿。洲。清。廷。命。衛。汝。貴。率。偏。師。禦。之。汝。貴。爲。文。忠。部。將。習。聞。公。嫻。軍。略。熟。知。關。外。形。勢。阨。塞。邀。公。襄。理。軍。務。公。屢。爲。畫。攻。守。之。策。汝。貴。不。能。用。也。衛。軍。卒。以。敗。績。關。外。諸。軍。亦。相。繼。潰。散。初。公。出。關。見。日。人。測。勘。遼。陽。地。形。絡。繹。於。道。乃。喟。然。歎。曰。遼。東。其。有。兵。事。乎。及。甲。午。事。起。距。公。出。關。時。僅。一。年。耳。人。以。此。服。公。之。先。見。云。公。之。隨。李。經。芳。赴。日。也。凡。日。本。軍。事。官。廳。及。學。校。參。觀。考。察。悉。心。靡。遺。而。研。究。野。戰。之。法。尤。不。少。懈。其。後。卒。以。外。國。兵。制。戰。術。輸。入。中。國。蓋。其。所。以。淬。勵。而。講。求。之。者。非。一。朝。夕。之。故。矣。

### 公之出仕有清時代

自甲午以後。清廷益知旗綠營勇決不能禦外。漸謀擴張改革。項城適於此時受命練兵小站。號新建陸軍。時公暨合肥段公芝泉正定王公聘卿并居項城幕府。最所倚信。項城知公

沈毅嚴重。文武兼資。遂用公長督操營務處。公視事後。賞罰嚴明。有如宿將。項城益驚服。其能是時。中國雖言用西法治軍。有年而諸事草創。闕而未備。野戰之法。尤未習演。公言於項城。令軍中習野戰。是爲中國有野戰教練之始。公又以養成陸軍人才。必先軍事教育。而陸軍制度。惟德意志實爲全球之冠。因復請於項城。在小站設德文陸軍學校。項城即以公主持教務。於是戎規學制。靡不井井有條矣。新軍方萌芽。士大夫無有著述。及此者。公研求今古。斟酌中西。撰新建陸軍兵書錄存八卷。項城善公所爲。刊傳於世。世或以爲袁氏新書實則公之所手定也。項城巡撫山東。延公管理全省督操營務處。每事諮而後行。公亦竭誠贊助。不遺餘力。拳匪亂作。相戒不入魯境。懾於項城之威明實隱。懾公也。庚子。項城督直隸。公參贊軍務。事無大小。悉倚之。新軍制既行。直隸首議設兵備參謀教練三處。項城以教練處總辦。委公公於日本兵制。故所素嫻。乃復參合西法。詳細釐定。於是北洋軍政規模大備。以江楚之新軍。胚胎最早。然猶派遣監司將領各專員來直。考察以爲改良模範。其後各省委員。絡繹不絕。而北洋兵制。遂爲全國之師資。兵力亦至今爲全國冠。凡皆公創基立本所致也。公在直隸。復先後創設陸軍小學中學師範將弁軍官各項學堂。皆董其成。而以總辦陸軍速成學堂爲最久。擴張軍事教育爲最力。英材樂育。號稱極盛。近今全國中級以上各

軍官出公門下者十有八九如雲南唐督軍繼堯陝西陳督軍樹藩一時所稱開國元勳救時人傑者凡皆北洋軍校所陶鑄而成者也初辛丑回鑾以後清廷設練兵處於京師用慶親王奕劻爲督辦項城與鐵良副之慶王嘉公深明軍學奏任公以分省道員爲練兵處軍學司正使洎是規畫全局撰訂章程次第頒布實爲北洋軍制正式推行全國之時代旋復創設陸軍編譯局分設武學官書局於各行省而列國兵書徧傳於中土矣貴胄陸軍學堂之設監督乏人清廷乃以命公貴胄學堂者專爲網羅宗室覺羅及滿漢蒙回之世爵世職以橫經講武之所也然貴胄子弟習惰氣驕不易範我馳驅公至乃循循奉法鮮有踰閑蕩檢者則公之威望先有以懾其心也嗣改練兵處爲陸軍部餘其半爲軍諮處公爲軍諮處正使洊陟京旗副都統宣統初元改軍諮處爲軍諮府復接任軍諮使辛亥八月武昌事起公方在灤州任秋季大操總統官輟操回京組成第二軍待發旋拜第一軍總統之命赴鄂督戰攻克漢陽封二等男是時若乘勝渡江則武昌之下勢如破竹矣尋因英公使朱爾典出爲南北議和公奉停戰之令遂回京師初公入掌軍務日久禁衛軍將佐多公舊部禁衛軍者清皇室之宿衛也項城旣組織臨時政府禁衛軍密謀反對共和項城因以公爲禁衛軍軍統藉資鎮壓公推誠曉諭示以大義將士感之安堵如故次年春京軍譁變而禁衛軍

獨恪守紀律。并藉其力。以巡行街市。彈壓地方。凡皆公之誠意。孚洽故能。使軍心固結。國家大局。得以不傾覆也。

### 公之服官民國時代

民國初元。政紀混棼。直隸夾居三輔。雄劇難治。項城以其地係公桑梓之邦。任爲都督。授勳一位。陸軍上將。兼署民政長。公秉公守正。人不敢干以私。提挈綱維。大小具舉。時民權甚張。各省大吏。敍進庶僚。多採用地方主義。公獨不分畛域。惟材是與。輿論翕然。又是時黨派林立。門戶齟齬。爭公周旋。其間諄諄以化除黨爭。相勸勉。諸黨人多以爲然。國變以來。各省黨禍橫溢。而直隸獨無極端水火之爭。公實有以消弭於無形也。二年。宋案起。南中洶謀變益亟。公貽書蘇粵湘贛四省。所以致忠告者。甚悉。瑕釁既積。末由轉圜。卒有贛寧之役。公受密令。馳南京。實不忍塗炭生靈。猶以宣慰使名義。力任調停。格於羣議。志不得行。不得已。受任爲第二軍軍長。統兵南下。與定武軍會師金陵。未及兩月。而事定。然公以此知項城有破壞共和之意。口不言而已。非之每語。及國家前途。喟然興嘆。其寄慨蓋有在矣。先是公帥師抵金陵。其前鋒方至。城下守陴者。問曰。若非馮將軍之部伍乎。衆曰。然。於是城中轉相告語。相率箝食。壺漿迎犒。公軍其爲蘇民所愛戴如此。湖口事平。項城以南京天下之所重。非公

莫屬也。遂令公爲江蘇都督。旋任爲宣武上將軍。督理江蘇軍務。南京故稱財賦雄侈之地。不數年而兩次變亂。庶政廢弛。公私蕩然。公至則恢復秩序。與民休息。察吏上廉。舉賢能。劾貪殘。吏治澄清。問民疾苦。誅盜安良。闔閭大和。此則公之大有造於蘇也。

### 公之反抗帝制時代

自歐戰起。項城欲乘時變。更國體。爲創業垂統之計。其左右親近。數數密赴金陵。覘公意。公皆不爲動。且其密啓諷諭。項城冀遏其端。旋見事勢已形。乃派人約梁任公入都。諫阻。四年六月。公因事北上。謁項城。請問密陳謂國基未固。人心未附。一經動搖。大局瓦解。必不可收。拾項城信誓。且其懷匿其私。不以直告。未幾而籌安會出矣。函電至蘇。公固執前議。雖疊經權要遣使游說。危詞恫喝。皆拒不納。仍密啓項城。多方尼之。其詞剛決而懇摯。項城爲之動容。顧一傅衆咻。終莫能聽也。時雲南唐將軍繼堯欲興靖國之師。問計於公公。公不忍動衆殃及生民。覆書勸慰。自任電中央。諫阻而帝制諸人則固深嫉公之撓其計。羣以蜚語搆公。於是項城亦寢疑公矣。然公竭誠殫慮。猶迭進忠言。日處危疑震撼之中。曾不一餒其氣。項城左右患之。言於項城。調公爲參謀總長。名爲倚畀。以中樞實則陰斂其兵柄也。蔡將軍鐔入滇。唐將軍繼堯等。遂以雲南宣布獨立。項城決計用武。而曹錕張敬堯屢戰不利。項城欲以



公爲總司令。公婉詞謝之。項城又欲分公勁旅。馳赴前敵。公言：「江南重要，兵不可分。力梗其計。項城深惡之。然無如何也。」陸將軍榮廷自帝制起，卽持反對態度。密商於公者屢矣。公一面爲之聯絡。長江各省一面電陳項城誅首惡以息兵禍。項城終弗聽。及五年二月而廣西獨立矣。公電徐東海、王聘卿等勸項城敵履尊榮。文辭懇切，惻惻感人。自興帝制，各界反對文電連篇累牘。尤以公電爲膾炙人口。云：「公察項城執迷不返，知南北勢將破裂，實欲爲項城解脫，終使國家不受崩析之厄。爰發起江寧會議，與未獨立各省共同討論項城退位後保障生命條件。願會未告終，而項城逝矣。」黃陂繼任總統，段公芝泉組織內閣以輔之。大局遂漸平定。然是時南北各界意見，故未融也。欲謀精神上之統一，必以尊重法律爲基礎。公乃首先通電請恢復約法，召集國會，貫徹其提倡民權鞏固共和之主張。是年十一月以國會推戴，被選爲副總統。卽於是月就職南京。仍奉兼領江蘇督軍之命。海內人士不以爲公之榮，而以爲國之慶也。民之福也。蓋自今以往，公之盛德豐功，由一隅而推及全國，正未有艾也。

### 結論

右述各端，其於公之事跡，不過僂指其千百之一二。然其平生立功之大綱節目，亦略具於

此矣。曩公之督直也。不佞曾以記者名義。謁公籤室。見其貌溫而厲。語簡而敬。蓋粹然儒者之象。藹然仁人之言也。旅居京華。蕭齋多暇。輒出其親炙所得。證以輿人之誦。論次其事。用告國民。世之君子。苟覽吾文。而一深察公之立身行事。倘不以余言爲溢美也夫。

